



程幼博墨苑目錄

第六卷

人官下

世掌絲綸

筆花生夢

何休學海


堯年舜日

頌一

賦一 跋一

詩一

函三為一



掌珠

鷄彝

鳥彝

竹林七賢

歌一

落日放船好

詩八

墨池

詩二

浮金輕玉

五色珠

飲中八僮

詞一

瑞葵並萼

贊一

玉堂柱石

歌一

文彩雙鴛鴦

詩一

太紫重玄銘

百老圖

引一 賦一

玉帟符

贊一

雲臺

詩一

程鄉松滋侯

詩一

支機石


詩二

桐鄉戲封

府察能枉駕

詩一

第六卷人官下目錄終



墨苑人官目錄

乙

滋蘭堂

齊寧絲綸



世掌絲綸頌有序

蓋聞源清流瀆水產階侯之珠巖秀巖深山
孕卞和之玉天不閔靈聿彰照乘地不愛寶
允售連城惟茲內樞之任帝重其官故爾西
掖之除世榮其秩職代王言授簡絲綸之閣
詞宣國道揮毫龍鳳之池奚翅典作史書叅
裁時政漢高馬遷之才尊寵任職魏嘉劉楨
之學清切拜官袂情標邁王令擅風流於晉

朝詩賦清新謝客流聲名於齊室盛唐則令
狐之藻麗有宋則司馬之忠純立陟清班兼
居要地事隆前代光映後賢固文獻之所共
徵簡冊之所並載者也要以矣世今摸隔坐
盛典不多見於往昔庶可必於方今恭惟
穀城大宗伯于相公氣識淹通才華豐贍譽
宣庠序望重台衡經綸黼黻煥乎潤色
皇猷瑚璉珪璋展也鋪陳

宗器弱冠垂伸振羽儀於祕省中年曳履司
喉舌於南宮項雖歸卧林泉行將

召登鼎鉉令公子才高七步學富五車鍾鼓
詞垣笙簧苑門第清華豈直王珉之于王
治文章典雅寧殊賈至之于賈曾射榮擬却
林之一枝通籍期和車之獨坐濟美可必世
家何慚大約人非文舉幸登元禮之門名謝
仲宣喜倒中郎之履製作滿縑緗曾獲瓊瑤

之報衷懷呈筆札益羞瓦礫之投數用躊躇
冀申頌祝爰命良史特繪斯圖兼綴之以蕪
詞且載之於墨苑云頌曰
璧門天迥綸閣霞連朝推望士世豔清銜纂
述
帝紀出納
王言
紫宸幽邃
丹禁森嚴鱗躍龍池羽儀鷄


樹地切雲霄司存雨露既典要樞兼參庶務
旁求異才特簡雅度休宗伯鄒魯名儒道
遵姬孔文法典謨彤庭對榮萬言以敷
宸其勝會領中秘書入侍
經筵出收雋士
帝嘉忠讜國富耨梓管轄之司巍然高峙典
禮之任始終是以緬懷東山得請來歸煙霞
藹藹襲我初衣望隆朝虛位黃扉異野公早

出慰安浪黎公子盛年宏才博學精金在鎔
良璧在璞我：丹穴載產鸞鷲繼彼超宗高
翮寮廊雲仍濟美輔我
皇家炳焉蔚焉振藻揚葩小子有心燃取木
華進之
東觀待草制麻

萬曆甲辰七夕程大約著



筆花
生夢



筆花生夢賦 有序

筆研精貞
人生一樂

昔江淹夢人貽筆一枚毫端生五色花光彩
可愛由是文思日進擅名當時余幼承父命
習計然之策浮游江湖不遑問學中年適有
所激奮臨成均始親經史領畧大義而已舊
宦一載歸羅家難久困保宮情思無聊間以
篇籍自娛庶涉吟詠思致蹇澁未敢示人一
日偶涉夢境見架上管成擘然生花喜而美

之醒覺聰明稍益質之文通疇昔之夢為不
爽焉吁嗟乎事亦奇矣由是漸窺著作之
林宗弟巨源登一二友人時見過相與彈
射遂使奉教於大雅君子得宣幽憤之懷傳
播區宇沉寃幸釋雖實天之所啓抑亦精神
之所感召歟乃茲纂集墨苑追憶其事屬良
史圖而載之併系之以賦云
覽載藉于襄昔異江生之筆花綴吳律以吐

華聯趙毫而揚葩攘采色于錦繡奪鮮景于
雲霞文犀之管既不足貴翠羽之飾抑何足
夸爾乃出入六經周旋百代貫幽冥於明神
綜人倫於晝昧契周王于美里慰史遷於犴
控負備規矩之辯天地實賴以闡千聖之道
術豈直以紀五車之文字
萬曆甲辰浴佛日玄居士程大約紀事

筆花生夢賦跋

古者吉月獻夢于王蓋重典也即爰立大事以夢寐得之知先其神乎乃若玉人無夢而莊生之蝶以物孔子之姬以人皆夢真也叔季德衰而人不能夢不及獻夢獲者誣夢私者覲于夢乎何有不佞披髮時從先大夫于辰陽獲交宗兄幼博先生迄今四十餘年每見幼博伸筆而為詩多文急不索韻緩不

加點稿旋就而旋棄之不多存也繼以家難困園中不佞歲時注省之見案頭古史山積幾于穎川氏所受者幼博間謂余疇昔之夜夢筆生花豈亦搃持之祥乎然幼博自是日增文興積稿纒二然友人潘伯和往視幼博強集而付剞劂不佞細讀之較曩者大相迥異矣搃持之花不為惠連之草乎先生尋自賦其事屬墨者苑之先生以夢而得覺不患

以覺而驗夢筆墨交花飛雲霧而徹牛斗
 以為先生之茂墨德一動天文足乎乃海內
 士大夫率多先生苑名文鉅作遠近輳至成
 百家不朽言人情賢于夢卜詎不信夫敬跋
 之以驗觀者

宗弟涓巨源父書



南羽

何休學海

何休木訥多智三墳五典陰陽筭術河
洛讖緯古滂歷代圖籍莫不咸通門徒
有問者則為註記而口不能說作左氏
膏肓公羊廢疾穀梁墨守謂之三闕言
京師謂鄭康成為經神何休為學海

何休學海

猗歟何公學貫天人腹貯五車名高八
垠守口雖訥濡墨以陳用茲里諺茲頌
經神

京口茅溱



傲古



士士季



三三三

不可磨



掌珠


 The title '掌珠' (Zhangzhu) is written in a bold, black, calligraphic style. Below the title is a square seal impression, likely a personal or studio seal of the artist. The seal contains characters in seal script, which are difficult to decipher but appear to be '周鼎' (Zhou Ding).

掌珠

玄珠歸掌握玩弄以朝夕
 暗道不須接象罔亦空索
 光餘十乘照價匪連城易
 只恐此物神不與世俗親
 江妃仍返佩驪龍未可馴

安得仙掌一舉盡傾之
滄海無遺珍

常一
道三



題竹林七賢圖

山公愛飲世爭傳一飲八斗方兀然阿戎飲興亦翩
翩酣暢黃公酒壚前風流應不減羣賢中散酒態更
堪憐醉如玉山頽其巔此中誰解識真僊步兵清嘯
入雲天胸中礪塊大于拳澆以百斛彌覺堅途窮慟
哭驅車旋叅軍頌酒雖短篇子雲酒箴殊愧馬荷鍾
相隨一任偏仲容團飲棄杯棹大盆盛酒當賓筵一
吸何妨盡十千向生灌園資酒錢醉來灑翰思如泉

混沌道人張泰貞



落日放船好輕
風生浪遲竹深
留客處荷淨納
涼時公子調冰
水佳人雪藕絲
片雲頭上黑應
是雨催詩



賦得落日放船好

程洵

向晚朱光逝新涼傍水生欲教張樂飲須作泛舟行
彩鷁使星度紅妝邀月明鷓鴣夷殊解事愛殺五湖清
賦得輕風生浪遲

汪良楨

一水澄如練微茫信晚風流連浮靄綠蕩漾落霞紅
洛女浚波穩江妃布縠空何因上舟楫相與共千鍾
賦得竹深留客處

鮑觀光

翠篠叢幽渚翛然覺夏寒千雲高百尺臨水密千竿
蔣詡頻年種王猷竟日看此君殊戀客画舸倚前灘

賦得荷淨納涼時

潘萬嗣

幽人期結夏浦淑出新荷碧葉羞鄰綠紅英咲綺羅
游魚潛影密舞蝶逐香多采采誰家女因風蕩棹歌
賦得公子調冰水

程大約

何物偏宜夏長安玉井冰但教深暑散豈怕薄寒凝
白璧群加愛青蠅獨見憎虛疑襍穢客河朔興難乘

賦得佳人雪藕絲

畢力德

美人能愛藕雪以當嘉蔬玉腕色相似冰肌香自如
含情偏默々作態故徐々惆悵中心事絲牽欲斷餘

賦得片雲頭上黑

黃公敏

倏爾清川上油然起片雲千峯齊黯澹四野轉氤氳
鷺立仍相竝鷗飛尚一羣座中添逸興况值酒微醺

賦得應是雨催詩

吳文璧

為問舟中客誰稱鄴下才祇緣詩未就故遣雨相催
思逐千峰起豪從三峽迴倘千金谷令何怕玉山頽
里人洪自寬書

墨池



墨池

墨池千載留其名水昔盡黑
 今者清昔人臨池累歲月今
 人手中荆棘生學書不勤書
 不成獨使山陰草聖鳴

孫如游



墨池

右軍臨池弄柔翰滌硯頻教墨花散日居月
諸寧覺深池水盡黑人爭歎蘭亭自昔擅風
流唐主不惜千金求即今
玄聖重翰墨蹇余何負松滋侯

程大約幼博父



飲中八仙詞

世傳八仙不可見海島迷茫鍾呂面浪游五
岳亦浮雲縱得千齡一飛電何如飲中八仙
人其骨已朽名逾新杜陵作歌譜姓氏宛然
像顏見天真舟車意懸各殊狀箕倨簡傲時
相親睥睨乾坤小宇宙夷猶日月無冬春咲
呼荷鍾小豎子哆言枕麈非放民何得鯨吞
涸河海直須牛飲移星辰擾々世途勞鞅掌

津、麴蘖堪藏身，竭來兒取守。吾黑才華酒，
 德并為珍。要知生事持螯蟹，何須高閣畫麒麟。
 右揮綵毫，左揮竿呼尔八仙。若有神須，史
 庶劫俱混沌，淋漓醉墨凌風塵。

程大約

劉然書



瑞葵 苙 苙



瑞葵

維茲珍草，懷芬吐榮。靈物間氣，
 向陽而傾。挺河渭之膏壤，吸昴
 井之玄精。觀聯跗而齊頴，類承
 露之雙莖。

幼博



玉堂桂石

玉堂柱石篇

太史氏自言尊紫微清切近帝闈駕木作天玉作堂
魏又柱石檠天長檠天長運歲功四時亭毒亭以豐
芝房蘭臺俱臣鄰右文秉武歸陶鈞願言萬歲祝
聖人祝

聖人寧萬國禮樂明備中外屬翼帶礪有誓銘山河
府以文章林翰墨

程大約

劉然書





白以馬翠燕

文彩雙鴛鴦

官槐兔目竹粉香長堤暖霭簇暗黃公
 子看花馳馬埒王孫挾彈闌鷄塲鬪鷄
 馳馬歡何極細綠團紅織春色何處鴛
 鴦懋翻樓芳汀錦水恥雙翼雙翼雙飛
 在綠葢迴翔不肯雜鷗鳧朱翹巧靚珊
 瑚嘴彩殼輕籠翡翠襦紺蒨紺房午風

爛綺舡盡楫時為伴
唳荇偏拖縹帶長
翻蒲忽見青萍短
蒲池荇澗水流逐浪
沿流向亂芄避日影
隨荷蓋綠回風毛
襲蓼旗紅鮮、皎、翩
翅頓令燠質千金
媿浪說青田百六
幸虛傳玄扈三文字
曉遊暮宿摠為群
薄灌泓洄不暫分
雨暗磯邊縹緲錦
月明沙上罩卿雲
沙上

磯邊歡不足朝、交
頸華池曲滌器壚
頭映二珠面眉檻
店偎窺玉夢逐蓮塘
唱竹枝霜閨妒殺
嫁時繡相思樹下
河曾睡夜合花開
每共窺却驚尺蒲
中流瀉秀色由來
亦堪借刺綵翻隨
錦上梭合歡鑄作
臺前尾誰遣久會
入雲烟不應晦跡
向重玄美池頻共
文屏傍振迅

還棲壁水邊更看點黛歸藤角顏皇鳥
勢看非邈有時搗藻上樵花軒翥猶疑
穎川鸞

榮陽鄭瑛撰



紫而紫玄而玄較畫
一布大千默默者黑
蒼蒼者天



大紫重玄



百老圖



百老圖引

伊誰繪此百老圖墨痕墨素真糝糊昆
吾刀灑施剖劂秋毫目力辯精麤冠裳
楚楚見朝代矍鑠彬彬美丈夫招邀會
有鶴書到來往毋須鳩杖扶行歌互答
生氣色彈碁擊節劇歡娛咲指滄桑今
幾變追呼期羨合吾徒我聞羲皇太古

際人各一萬八千歲流傳典載縱荒唐
元會始終當運世何如耄耄百老人年
齡未足一人身錢鏰亦蹠小廝豎曼倩
由來信弄臣汗隆世事直如此畫史磅
礴良有以披圖轉憶先民言子不磨墨
墨磨子

海陽程洵



百老墨賦

夫靈奧元胎真宗妙炁懷玄宅一養祖
含三故道超闔闢之先身出劫塵之表
齊二儀以永固看碧海之頻枯越八極
以同遊見白榆之幾瘁是以天垂法象
六星炳朗於南地擁靈源一水澄泠於
北卉載祖洲之草木傳上古之椿令威

之華表歸來神使之蓮芳上集搖光化
鹿尚皎_二以參僂紫婦為狐亦綏_二而
變質彼翺蠕之異類既葆素以長年此
清淨之精光必脩真以永世處和守默
容成示黃帝於崆峒抱靜安恬羨門指
紫陽於蒙頂煉神太乙賣藥瑯琊識紫
氣於函關吐白光於秦岱黃石老而復

少赤松久尚爲工駕鹿華陽霧市蓮池
之異執書衡岳靈臺仙宇之竒錢鏐導
引升虛偃佺服松易聃武陵蒼塢避秦
網之羣龐地肺玉堂定漢儲之四皓聚
徒二室解綬五湖絳縣遺黎已歷六千
餘甲子長安逸士適見五百載銅人招
黃鵠以歸來籌添海屋抱白雲而長往

丹熟函鐫圮叟墮履橋頭涪翁相羊水
許棋敲日月柯爛林中鶴唳風雲笙鳴
嶺上茅君羽化桂父霞升樾熟偷三屈
鷄鴟於漢署狗騎化二呼保媪於華巔
此皆托體神玄列名真誥或服食度筋
骨或歛歛游天山或易玄髓以超凡或
長綠毛而拔宅或石叱王生之殺或竹

蛟葛公之龍或烹大藥爐中或煉刀圭
鼎內涿蹄渤澥以七日為千季螻蟻岷
嶺隔兩塵於一刹若斯輕舉莫可窮陳
迺採艸立醫畫文釋彖渭濱釣帝濟水
傳經賜鳩杖以夷猶迂蒲輪而寵遇香
山逸會玉顏對酒添紅洛社耆英鶴髮
看花競白聽杜宇而占王氣看蹇驢而

定淮西此俱殊人各臻上壽耄耆稱道
豪爽長存鬚鬢重玄精神更王風馳於
罔官之埜雲集於沉墨之鄉何班輸之
神工繪百靈不盈一掬豈仙山之詭秘
計寸璧奚啻三京坐卧歛彈俱盡其形
識緇塵之不染飛游談立各逞其技仰
瓊玖之生輝伊希猶聽簫聲彷彿佇看

鳳度巧能縮地術解潛形三島十洲不
滿咫尺歡竝壺中十羣五聚共招尋樂同
橘底知其白守其黑混沌靈根大能載
小能容煙霞特品約也懷讒逐楚遣蠹
羈秦縲紲非辜敢向孔門坦腹土灰有
望希從馬室攜文齊震非賒空見丈三
之日蕪霜未擊誰云尺五之天鶴堪痛

於華亭犬已悲於上蔡藏舟未固隣遂
徒哀歷隙之駒難追赴壑之蛇漸沒披
畝竦念非青肝蒼腎之祥對像凝神生
翠水玄丘之想龐眉在目聊一賦寤寐
神山壽域非遙足八言悠揚化海

詩曰

鶴鬣翩 = 總相羨玉京此日開華

宴霓裳共聚蓬萊山瑞靄長凝蕊
珠殿松古烟橫萬古秋丹砂未就
咲浮丘臨圓不盡游仙賞惆悵雲
中十二樓


古歛程大約



百老圖贊

休矣元瑞連々累十紫光幕河孕精吐喻運
鍾寶符乘道出入潛化玄功載見常色

陳繼儒



玉虎符

玉虎徠兮從

日南徑萬里

兮飽風嵐信

美合兮視耽

耽凜明威兮

德澤覃

程涓

雲

臺



雲臺

臨高臺凌層雲漢家赫、諸將軍
 承爾家開爾國底定山河同社
 稷親庸賁壯三千伊淮疏附相後
 先佐龍飛位九五太史冊功載憲
 府承王明准五百大者公侯次者

伯占列宿應四七中宵見夢賚
 良弼沙中華偶語愁何哉仇志
 先吏侯夷信族薶壘肉猛士翻
 思守四眼責吏事保功臣白馬之
 盟墨尚新山若礪河如帶國以
 永存及苗裔



程鄉松滋侯
 於赫大夫徂徠之巔亦越
 程鄉栽培有年俊明亮采
 功滿凌煙建侯錫壤樹滋
 者全雖友杰松不如黑鉛
 文字和墨永普八埏
 程洵



支機石

萬曆間吳蜀山陝之區數苦織造時聞天子下明詔寬之君平之肆得卜石為余因式而象墨

以屬良史且為之歌備樂府焉

層宵綽約藉仙姬綵雲紫霧拖五絲雷轟風籟鳴天機薄海萬家思被衣經緯反覆胡然支魯聞女媧高補天玄石煉就潤且堅乞取支機萬斯年

織女勞事苦辛織成浣濯河之濱河濱牽牛者何人解通文字力耕耘擬贈石墨割家珍千秋萬國播無琅燦爛星辰動七襄杰文白楮鬱蒼機頭花樣皆文章

程洵巨源父

桐鄉戲封圖

疇則封桐之鄉

疇則命宜侯王

天子無戲言朝家

有服章人之好

我示周行萬禩

千秋翰墨鄉

巨源



程幼博藏墨款

金不換

萬曆甲辰年

君房士芳製


混沌既開資爾玄德不傲不
昧為天下式 程大約銘

玄元靈氣



五言古詩

府寮能枉駕家
醞復新開落日
池上酌清風松
下來厨人具難
忝稚子摘楊梅
誰道山公醉猶
能騎馬回



墨苑人竹

